

REPUBLIKA E KOSOVËS - REPUBLIKA KOSOVA - REPUBLIC OF KOSOVO  
QEVERIA E KOSOVËS - VLADA KOSOVA - GOVERNMENT OF KOSOVO  
ZRA E KRYEMINISTRIUT - URKO PRIMJERA - OFFICE OF THE PRIME MINISTER  
SEKTORI I ARKIVËS - SEKTOR ARHIVE - ARCHIVE SECTOR

Nr. Post: 1059/19  
Org. Unit: 01  
Data: 10/04/2018  
Prishtinë/a



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
MINISTRIA E DIASPORËS DHE INVESTIMEVE STRATEGJIKE - MINISTARSTVO ZA DIJASPORU I STRATEŠKA ULAGANJA - MINISTRY OF DIASPORA AND STRATEGIC INVESTMENTS

Nr. Post: 350  
Org. Unit: 01-4  
Data: 10.04.2018  
Prishtinë/a

Republika e Kosovës  
Republika Kosova - Republic of Kosovo  
Qeveria - Vlada - Government  
Ministria e Diasporës dhe Investimeve Strategjike – Ministarstvo za Dijasporu i  
Strateška Ulaganja - Ministry of Diaspora and Strategic Investments

REFERENCË:			
PËR/ZA/TO:		Ramush Haradinaj – Kryeministër i Republikës së Kosovës	
CC:		Dardan Gashi - Zv. Kryeministër & Ministër i Diasporës dhe Investimeve Strategjike	
PËRMES/PREKO/THROUGH:			
NGA/OD/FROM:		Afrim Bekteshi, Zv. Ministër i Diasporës dhe Investimeve Strategjike	
TEMA/SUBJEKAT/SUBJECT:		Raport për muajt: Dhjetor 2017, Janar, Shkurt, Mars dhe 10 ditëshi i parë i Prillit 2018	
Nr. i zyrës:	110	Lokacioni:	Ndërtesa:
Br. kancelarije:		Kucni:	Ish Gjykata
Room No.:		Extension:	Themelore
		Data:	10.04.2018
		Datum:	
		Date:	

I nderuari Kryeministër i Republikës së Kosovës, z. Ramush Haradinaj,

Nga takimi i zhvilluar më datë, 28. dhjetor, 2017, ndërmjet jush si Kryeministër i Republikës së Kosovës dhe Zëvendësministrave, keni kërkuar që secili zëvendësministër të merr detyrat dhe përgjegjësitë e caktuara brenda Dikasterëve, ku janë të emëruar me vendim tuajin z. Kryeministër. Njëkohësisht keni kërkuar që deri më datë, 10. Prill, 2018, secili nga ne, të paraqet një raport me shkrim për 100-ditëshin e dytë të qeverisjes, rreth punëve konkrete që janë bërë nëpër ministrinë përkatëse.

Meqë, si zëvendësministër i Diasporës dhe Investimeve Strategjike jam emëruar kah gjysma e muajit nëntor 2017, atëherë më lejoni të ju sqarojë se angazhimin e duhur e kam nisur tek në fillim të muajit Dhjetor. Si rrjedhojë, po ju përcjelli raportin për tërë muajt e angazhimit tim të deritanishëm pranë Ministrisë së Diasporës dhe Investimeve Strategjike, e që i bie se ky raport përmban një përshkrim pak më të gjatë se 100 ditë.

Konsiderojë se mënyra e një raportimi të performances së zëvendësministrave, tregon më së miri se Qeveria e Republikës së Kosovës, në krye me Ju z. Kryeministër, është tejet e përgjegjshme dhe shumë transparente, në raport me qytetarin.

Në vijim, po ua përcjelli raportin përmbledhës për muajt:

**Dhjetor 2017, Janar, Shkurt dhe Mars, 2018 dhe 10 ditëshin e parë të Prillit 2018**

Paraprakisht, ju falenderojë për mirëkuptimin tuaj!

## HYRJE

Ky raport paraqet detyrat e caktuara, punët e kryera dhe ato në vazhdim, pjesëmarrjen nëpër takime të niveleve të ndryshme, si dhe përmbledhje nga secila vizitë zyrtare të realizuar jashtë vendit.

Gjatë kësaj periudhe, të gjitha këto aktivitete të kryera, kanë qenë në përputhje të plotë me rregullat dhe udhëzimet që përcakton Ministria e Diaspores dhe Investimeve Strategjike, poashtu edhe në dijeni të plotë nga Zv.Kryeministri, njëherësh Ministri i Diaspores dhe Investimeve Strategjike, z. **Dardan Gashi**.

Konsiderojë se qëllimet kryesore të deritanishme brenda kësaj periudhe, kanë qenë në përmbushjen e prioriteteve që ka Ministria e Diaspores dhe Investimeve Strategjike brenda kësaj periudhe, e që kanë të bëjnë me rritjen e dinamikës brenda Ministrisë, në kontekst të një funksionalizimi sa më të dulur brenda Ministrisë së Diaspores dhe Investimeve Strategjike.

Afrim Bekteshi,

Zv.Ministër i Diaspores dhe Investimeve Strategjike

Takimi i parë me Zv.Kryeministrin, njëherit Ministrin e Diasporës dhe Investimeve Strategjike, z.Dardan Gashi, ishte më datë, 27. Nëntor, 2017.



- Ishte ky një takim njoftues, por njëkohësisht edhe një takim pune. Pas një prezantimi të shkurtër, e njoftova Ministrin që i takojë profilin të ekonomisë. Meqë, në kuader të Ministrisë së Diasporës dhe Investimeve Strategjike, ekziston Departamenti për Hulumtime dhe Përkrahje të Investimeve të Diasporës dhe muajve në vijim poashtu do t'i shtohet edhe një Departament i ri, ai i Investimeve Strategjike, atëherë u dakorduam që ndarja e detyrave dhe përgjegjësiave për mua të jetë e caktuar në fushat me prioritet, si nxitja dhe përkrahja e Investimeve nga Diaspora jonë dhe poashtu të Investimeve Strategjike, gjithmonë në kooperim me Ministrinë e Linjes, si MTI, MZHE, por edhe Agjencitë përkatëse që trajtojnë këto çështje, ku unë si zv.Ministër do të ndihmojë në hartimin, zhvillimin dhe zbatimin e politikave të ministrisë së Diasporës në këtë fushë.....
- Në kuadër të Ministrisë së Diasporës dhe Investimeve Strategjike janë gjithsejtë pesë Departamente, ku këto Departamente në vete ngërthejnë nëntë divizione. Andaj, për t'u ambientuar sa më shpejtë me Ministrinë, kam filluar menjëherë takimet me drejtorët e Departamenteve brenda Ministrisë së Diasporës, dhe me udhëheqësit e këtyre Divizioneve. Këto takime janë zhvilluar me qëllim që të njoftohem për së afërmi me aktivitetet dhe punët e këtyre Departamenteve dhe për ti koordinuar punët ndërmjet stafit politik dhe atij civil në vazhdim, për të ecur kështu bashkarisht drejtë realizimit të objektivave të përbashkëta.
- Nga kjo, ka rezultuar informacioni i mjaftueshëm rreth punëve të kryera dhe atyre që janë me prioritet për Ministrinë, me ç'rast mu dha mundësia për të patur çasje edhe në raportet e punës nga secili Departament, gjithmonë me dijeninë edhe të Sekretarit të Përgjithshëm të MDIS.


Më datë 08.12.2017, në zyrën time pata nderin të pres  
Konsullën e Republikës së Kosovës në Stuttgart të  
Gjermanisë, znj. Bahrije Hoti.

- Ishte ky një takim frytdhënës, ku bashkëbiseduam mbi ecurinë e punëve të Konsullates dhe Sherbimeve Konsullore për Diasporën, si dhe koordinimin e aktiviteteve të ardhshme ndërnjet Ministrisë së Diaspores dhe Investimeve Strategjike dhe Konsullates së Republikës së Kosovës në Stuttgart të Gjermanisë!




Më datë 11. Dhjetor, 2017, në cilësinë e Zv/Ministrit të  
Diaspores dhe Investimeve Strategjike, isha  
pjesëmarrës në Takimin e Forumit të Nivelit të Lartë.

- Forum i organizuar nga Ministria e Integritimeve Europiane, ku qëllimi i këtij Forumi ishte dhe mbetet rritja e efektivitetit të ndihmës që i ofrohet Kosovës, e që ka si bazament arritjen e rezultateve të përbashkëta të Qeverisë së Kosovës dhe të Donatorëve!




Më datë 11. Dhjetor, 2017, në agjendën ditore, pata edhe  
takimin e parë me Këshillin Kombëtar për Inovacion  
dhe Ndërmarrësi.

- Në këtë Këshill jam anëtarë dhe qysh në takimin e parë, pata rastin që përmes fjales time të shpërfaqë mundësitë ndërveprimit ndërministror. Aty propozova se iniciimi i aktiviteteve inovative në Kosovë, duhet të bëhet në bashkërendim edhe me komunitetin tonë në diasporë, ngase atje kemi ndërmarrës shumë të suksesshëm, ku afrojnë suksesshëm me biznesin e tyre dhe si shembull, ato ide dhe ajo eksperiencë pse mos të sillen edhe në Kosovë.



**Vizitë e realizuar në Malmö – Suedi**


- Më datë 18. Dhjetor.2017, realizova viziten e parë zyrtare në Suedi (Malmö). Pata takim shumë të rëndësishëm në “Invest in skåne”, ku nga afër u njohlova për të arriturat e këtij Institucioni (Autoriteti Regjional), lidhur me nxitjen e Investimeve Strategjike. Ky institucion i madhë regjional në fushen e inovacionit, i ka dhënë botes, ultrazanimin e parë medicinal, Sony Eriksonin,



Bluetooth-in, Candy crush, Tetrapakun, e shumë e shumë zbulime të tjera inovative. Përmes një prezentimi dhe qasje të drejtpërdrejtë, pata mundësinë të kuptojë se si hartohet një strategji e mirëfilltë, për nxitjen e investimeve strategjike.

**Gjatë vizitës në Suedi, takim me Drejtorin Naim Sadiku**

- Takim tjetër pata edhe në Qendren Kulturore të Kosoves në Malmö, me ç`rast u takova me kryetar Naim Sadikun, me të cilin bashkëbiseduam për të arriturat e deritanishme të kësaj Qendre, si dhe për hapat e mëtejshëm, në kontekst të organizimit dhe avancimit të vlerave kulturore këtu në Suedi. Si ruajtjen e identitetit kulturor,



gjuhësor, dhe traditave shqiptare në përgjithësi. Poashtu takova disa nga antarët e Rrjetit të Biznesit Shqiptar në Suedi, me të cilët diskutuam rreth mënyres së riorganizimit të rrjetit, sepse deri atëherë nuk kishte qenë funksional. Në emër të Ministrisë së Diaspores dhe Investimeve Strategjike si titullar i formimit të këtij Rrjeti, kërkova që të mbahet një takim i radhes me qëllim të rizgjedhjes së një kryesie të re, përkatësisht udhëheqësisë së re të këtij Rrjeti në Suedi. Disa nga antarët e Rrjetit u zotuan që do të merren intesivisht me këtë temë, me ç`rast edhe kemi rezultate konkrete sa i përket Rrjetit të Biznesit në Suedi, rezultate këto që do i shpalosim si më poshtë në këtë raport.....

**Detyrat e ndara nga Ministria - Ministri z. Dardan Gashi**

- Më datë, 17. 01 2018, me qëllim të realizimit të detyrave dhe planit të Ministrisë së Diaspores dhe Investimeve Strategjike, ministri z. Dardan Gashi përmes një shkrese drejtuar neve si zëvendësministra, na ndau detyrat si më poshtë:

Në bashkëpunim me Stafin Politik të Kabinetit të Ministrit, Sekretaren e Përgjithshme dhe me departamentet përkatëse të Ministrisë, duhet të bëhet një raport, që do të ketë për qëllim zbatimin dhe realizimin e objektivave të dalura nga strategjia për Diasporën dhe Mërgatën për vitet 2013-2018 dhe planin e veprimit, plan ky që kërkon realizim deri në fund të këtij viti si:

- a) Promovimi dhe avancimi i të drejtave politike dhe sociale të diasporës
- b) Ruajtja e identitetit dhe fuqizimi i lidhjeve me diasporën
- c) Integrimi i pjesëtarëve të diaspores në shtetet ku jetojnë
- d) Lehtësimi i përfshirjes së diaspores në zhvillimin socio-ekonomik

Poashtu, pas analizimit dhe dhe shqyrtimit të kësaj strategjie, n'a u është kërkuar nxerrja e rekomandimeve për hartimin e projektstrategjisë për Diasporën për vitet e ardhshme, 2019-2024, ku zëvendësministrave do tu caktohet një fushë përkatëse, në procesin e hartimit të strategjisë së re për Diasporën për periudhën 2019-2024, sipas planit të përgatitur nga Komisioni Qeveritar për hartimin e strategjisë për Diasporën, që do të themelohet me vendim të Qeverisë së Republikës së Kosovës.

Ndër detyrat e ndara me prioritet nga Ministri z. Dardan Gashi janë si:



Inicimi për eliminimin Barrierave në lidhje me pagesat për sigurimin kufitar të automjeteve (Kartoni i Gjelbër), për Diasporën, ku sa për informacion vlenë të theksohet se bazuar në këtë nismë, është nënshkruar Memorandum bashkëpunimi ndërmjet Ministrisë së Diasporës dhe Investimeve Strategjike, nga Ministria e Punëve të Brendshme dhe Byroja Kosovare e Sigurimit, prandaj si detyrë për ne është, përcjellja e vazhdueshme e implementimit të këtij memorandumi deri në rrealizimin e plotë.

Gjithashtu detyrë tjetër me prioritet mbetet edhe përcjellja e zbatimit të marrëveshjeve bilaterale, të nënshkruara ndërmjet Republikës së Kosovës dhe Republikës së Shqipërisë, si më poshtë:

- a) Marrëveshja për Qendrat Kulturore të përbashkëta
- b) Marrëveshja për bashkëpunim në fushën e Diaspores dhe Migracionit
- c) Marrëveshja për financimin dhe organizimin e përbashkët të mësimit të gjuhës shqipe dhe kultures shqiptare në Diasporë.

**Më datë 19. Janar. 2018, takim pune në MTI,**


- U prita nga Zv.Ministri Faton Thaqi, nga Shefi i Kabinetit, njëherit Këshilltar i Lartë Politik, z. Durim Limaj, si dhe Nol Buzhala nga KIESA. Nën frymen e bashkëpunimit, diskutuam për koordinimin dhe ndërveprimin mes Ministrisë së Diaspores dhe Investimeve Strategjike dhe MTI-së, gjithçka që lidhet me promovimin dhe nxitjen e Investimeve në Republikën e Kosovës.
- Ndërsa më datë **22. Janar. 2018**, pata një takim konsultativ në Ministrinë e Administratës Publike, ku u prita nga **Ministri z. Mahir Yageçilar** dhe **Zv.Ministri z. Sami Hajdaraj**. Takimi kishte karakter konsultativ, rreth plotësim ndryshimit të rregullores së re të Ministrisë së Diaspores dhe Investimeve Strategjike, në mënyrë që rregullorja e re të mos bie ndesh kompetencash me MTI-në.



Përgjithësisht, ishte pra një takim konstruktiv, rreth temave ndërministrrore!

**Vizitë e realizuar në Mynih të Gjermanisë, 17.Shkurt. 2018**

- Në vigjilje të 10 vjetorit të shtetësisë së Kosovës, më datë **17.Shkurt. 2018**, isha pjesëmarrës në manifestimet që u mbajtën me Diasporën, në Mynih të Gjermanisë. Ku e tërë rrjedha e takimeve u realizua sipas agjendës së paraparë. Edhe pse nën atmosferën festive, megjithatë vizita pat karakter pune, ku në theks të veçantë ishte Seminari i mbajtur me Mësuesit e Mësimit Plotësues të Gjuhës Shqipe.



Seminar me tema të ndryshme, por me të vetmin qëllim, ruajtjen dhe kultivimin e gjuhës, kultures, trashigimisë dhe traditave kombëtare shqiptare në Diasporë. Puna e deritanishme e tyre, për nga rëndësia ishte e dyfishtë; e para, Ata shpirtnisht po vazhdonin të ruanin gjuhën dhe identitetin shqiptarë dhe e dyta, ata lehtësisht po krijonin alternativa integruese në shtetin pritës.

**Më datë 18. Shkurt. 2018, vizitë në Schongau të Bavarisë.**

- Aty ishte organizuar një Event për nderë të 10 vjetorit të formimit të klubit futbollistik FC "Kosova", ku isha ftuar nga drejtori z. Hafir Elshani. Event ky që koincidonte edhe me 10 vjetorin pavarësisë së Kosovës. Aty, në emër të Ministrisë së Diasporës dhe Investimeve Strategjike me një fjalë rasti përcolla urimet për nderë të 10-të vjetorit jubile të pavarësisë së Kosovës, qindra të pranishmëve, bashkëatdhetarë tanë që jetojnë dhe veprojnë atje.



**Më datë 19. Shkurt. 2018, vizitë në Mynih në klubin tjetër futbollistik poashtu me emrin e njejtë FC "Kosova"**

- Këtu isha i ftuar nga kryetar i klubit Arben Kelmendi. Gjithashtu, pata knaqësinë të takoja personalitete të ndryshme, kontributdhënës të mëdhenjë për ditën që po gëzojmë sot pavarësinë e Kosovës. Ndër ta ishte edhe Ambasadori i Republikës së Kosovës në Berlin, z. Astrit Zemaj. Gjithkund, nga këto takime u përçua mesazhi për shtëndërtimin e Kosovës, për ngritjen e vlerave kombëtare dhe të imazhit të saj nëpër botë.



**Vizitë e realizuar në Malmö të Suedisë më 5. Mars. 2018**

- Me ftesë të Shoqatës Shqiptaro-Suedeze "Meshari", realizova vizitën e dytë në Malmo të Suedisë. Vlenë të potencohet se qëllimi kryesor i vizites së dytë brenda një afati të shkurtër pikërisht në Malmö të Suedisë, ishte për të parë nga afër ndryshimet që kishin ndodhur me Rrjetin e Biznesit në Suedi. Pas vizitës së parë që e pata, ku me propozimin tim u patem dakorduar që të mbahej një takim me anëtarët e Rrjetit, në mënyrë që të zgjidhen udhëheqësit e rinjë të RRBSHS-së. Kjo tashmë kishte ndodhur dhe ky Rrjet ka Kryesinë e re, ku kryetar i Rrjetit është zgjedhur z. **Halim Hoti**, biznesmen i suksesshëm në Suedi, i cili gjeneron të hyra vjetore milionëshe, ndërsa nënkryetar i Rrjetit është zgjedhur **Milaim Makolli**, një biznesmen poashtu i suksesshëm në Suedi. Me kryetarin dhe nënkryetarin e ri të Rrjetit u dakordua që të fillojnë kontaktet me të gjithë biznesmenët shqiptar në Suedi dhe






njëkohësisht të fillojnë me parapërgatitjen e organizimit të një Sesioni informues rreth klimës së investimeve në Kosovë, në bashkëkoordinim me Ambasadën e Kosovës atje.

**Takim me drejtorin e Qendrës Kulturore të Kosovës në Malmö, z. Naim Sadiku,**

- Takim tjetër gjatë kësaj vizite pata edhe në Qendrën Kulturore të Kosovës në Malmö, ku u takova me drejtorin e kësaj qendre, z. Naim Sadiku. Me të diskutuam rreth temave që kanë të bëjnë me Qendrën dhe aktivitetet e saja për vitin 2018-të, sipas PVP-së të nxjerrur nga Ministria e Diaspores dhe Investimeve Strategjike.


**Takim me nënkryetarin e Komunes së Malmös, i cili vjen nga trevat shqiptare ( Maqedonia), z. Sadat Arifi.**

- Të arriturat e shqiptarëve në Suedi janë të mëdhaja edhe në politikë. Së këndejmi, isha i ftuar ta takoja nënkryetarin e Komunes së Malmös, i cili vjen nga trevat shqiptare ( Maqedonia), z. Sadat Arifi. Me të cilin biseduam rreth mënyrës së investimeve në Kosovë nga Diaspora jonë. Fillimisht vënja e kontaktit me ta, e më pastaj promovimi dhe nxitja për të investuar në Kosovë. Ishte një takim tejet konstruktiv, duke u dakorduar kështu për aranzhimin e takimeve tjera edhe në të ardhmën. konkrete.



**Takimi përmbylles ishte me konsullin e Republikës së Kosovës në Kopenhagë (Danimarkë), z. Artan Krasniqi.**

- Edhe pse në fillim të angazhimeve të tij në cilësinë e Konsullit të Kosoves në Danimarkë, çasja e tij prej një përfaqësuesi shtetëror, si dhe shërbimeve konsullore për bashkëatdhetarët tanë, ishte konkrete. Biseda me Konsullin ishte në fokus të investimeve në Kosovë dhe krijimi i mundësive dhe kontakteve me investitor, qofshin ata pjesëtarë të Mërgates sonë, apo investitor të huaj. U dakorduam që trinomi, Ministri e Diaspores - Qendrat Kulturore në Diasporë - Përfaqësitë konsullore në shtetet përkatëse, duhet të jenë në nivelin e duhur dhe në koordinim të plotë, sa i përket trajtimit të duhur dhe të nevojshëm për bashkëatdhetarët dhe veçanërisht në tërheqjen e investimeve në Kosovë.



Vizitë e realizuar në Malmö të Suedisë më 7. Prill. 2018

- Kryesia e re e Rrjetit të Bizneseve Shqiptare në Suedi është duke bërë një punë të shkëlqyer, marrë parasysh kohën shumë të shkurtër që nga ristrukturimi i saj, duke bërë një sërë takimesh me biznesmen të suksesshëm atje, ku si rrjedhojë më datë, **7.Prill.2018**, në Malmö patëm Sesionin e parë informues “**Klima e Investimeve në Kosovë**”, që për qëllim patë nxitjen e investimeve të Diaspores në Kosovë. Ky takim është organizuar në bashkëpunim ndërmjet RRBSHS-së dhe Ambasadës së Republikës së Kosovës dhe është mbajtur në Qendrën Kulturorë të Kosovës në Malmo. Ky takim u mbajtë me biznesmen të fluar jo vetem nga Suedia por edhe nga shtetet tjera skandinave, si Norvegjia dhe Finlanda, e që nga Kosova, përveç pjesëmarrjes së Zv.Kryeministrit, z.Fatmir Limaj dhe unë si Zv.Ministër i Diasporës dhe Investimeve Strategjike, ishin pjesëmarrës edhe Agjencia për Investime dhe Përkrahjen e Ndërmarrjeve në Kosovë-KIESA, nga Administrata Tatimore e Kosovës, nga Doganat e Republikës së Kosovës, nga Departamenti Qendror për Partneritet Publiko-Privat, nga Agjencia Kosovare e Privatizimit(AKP), nga Agjencia e Ushqimit dhe Veterines(AUV).
- Me nga një fjalë rasti të pranishmëve iu drejtuan , Zv.Kryeministri i Republikës së Kosovës, z.Fatmir Limaj, zt.Sedat Burrniku, i ngarkuari me punë Ambasador i Kosovës në Suedi, zt. Guner Urcya, udhëheqës departamenti për diplomacy ekonomike nga MPJ, si dhe Nënkryetari i Rrjetit të Bizneseve në Suedi, z. Milaim Makolli.

Ishte takim tejet i frytshëm dhe informues me temën "**Klima e Investimeve në Kosovë**", ku patëm mundësinë që në formë pakoje përmbledhëse, të ofrojmë mundësitë për investime në Kosovë, për afaristët shqiptarë nga Skandinavia. Prezenca e nivelit të lartë shtetëror e Zëvendëskryeministrit të Republikës së Kosoves, z. Fatmir Limaj, i dha madhështinë këtij takimi.

Ishte interesim i madh për investime në Kosovë, derisa presim që ky takim të sjellë së shpejti rezultatet e para, në mënyrë që të shohim koncentrimin e kapitalit investiv, nga Diaspora në Kosovë...



**Detyrat të cilat i kemi para vetës.....**

Në vazhden e bashkëpunimit ndërmjet Ministrisë së Diaspores dhe Investimeve Strategjike me Komunat e Kosovës, (përfshirë zyrat koordinuese komunale për Diasporën), së këndejmi duke marrë parasysh një mori çështjesh që kanë impakt direkt me bashkëatdhetarët tanë në Diasporë, nisur që nga shërbimet e nevojshme dhe krijimin e lehtësirave për ta, e deri tek nxitja e investimeve nga Diaspora, më datë 08. 03. 2018, përmes një shkrese ju drejtova të gjithë kryetarëve të komunave të Kosovës, duke kërkuar takim dhe bashkëbisedim me ta.

Qëllimi i këtyre takimeve është, që për së afërmi të njoftohemi për arsyet e mundshme të bashkëpunimit dhe interesit reciprok shumëdimensional ndërmjet Komunave të Kosovës dhe Ministrisë së Diaspores dhe Investimeve Strategjike.

Me të njejtën shkrësë iu drejtova edhe Asociacionit të Komunave të Kosovës, respektivisht Drejtorit Ekzekutiv të Asociacionit të Komunave, z. **Sazan Ibrahim**, që në takimin e mundshëm të radhës me përfaqësues komunal, (me Kryetarët e Komunave) të na ftojë edhe Ne si Ministri e Diaspores, në mënyrë që të ndërveprojmë për çështjet me interes dypalësh.

Këto takime, synoj ti realizoi brenda mujit prill dhe maj, në mënyrë që para fluksit të ardhur nga Diaspora për pushime verore, të mund të kemi ndonjë plan veprimi më konkret, më praktik për ofrimin e shërbimeve për mërgimtarët. Kjo ide ka rrjedhë si pasojë e ankesave të shumta nga Diaspora, adresuar nivelit komunal, lidhur me mosofrimin e duhur dhe të nevojshëm të shërbimeve komunale, gjatë kohës së fluksit të mërgimtarëve që vijnë në Kosovë.

Kështu (si më poshtë), përgatita agjenden e vizitave nëpër komuna, të cilat do ti vizitohë sipas agjendës së paraparë me qëllimin që:

**Së pari** - të njoftohemi për së afërmi për arsyet e mundshme të bashkëpunimit dhe interesit reciprok shumëdimensional ndërmjet Komunave të Kosovës dhe Ministrisë së Diaspores dhe Investimeve Strategjike.

**Së dyti** - Krijimin i lehtësirave për ofrimin e duhur dhe të nevojshëm të shërbimeve komunale, gjatë kohës së fluksit të mërgimtarëve që vijnë në Kosovë

**Së treti** - Çfarë mund të ofrojnë komunat e Kosovës për investitorët potencial nga Diaspora

- **Agjenda:** Takim me Komunitat e Kosovës
- **Tema:** Mundësitë e bashkëpunimit shumëdimensional, ndërmjetë Komunitatave të Kosovës dhe MDIS



Data	Vendi / Koha	Temat Kryesore:	Pjesëmarrës në takim	Nr.Tel	Shtesë
	1.Pejë 10:00 2.Deqan 13:00 3.Junik 15:00	1.Ofrimi i shërbimeve për Diasporën, nëpër Komuna 2.Krijimi i lehtësirave 3. Çfarë ofron Komuna për investitorët nga Diaspora	Zv.Ministër - Afrim Bekteshi Kryetar-Gazmend Muhaxheri Kryetar - Bashkim Ramosaj Kryetar - Agron Kuqi	039 / 434-603 0390/361-785 0390/502-646	
	4.Gjakovë 10:00 5.Klinë 13:00 6.Istog 15:00		Kryetar – Ardian Gjini Kryetar – Zenun Elezaj Kryetar – Haki Rugova	0390/330-183 039/471-306 039/451-219	
	7.Vushtrri 10:00 8.Mitrovicë 13:00 9.Skenderaj 15:00		Kryetar – Xhafer Tahiri Kryetar – Agim Bahtiri Kryetar – Bekim Jashari	028/570-601 028/530-201 028/582-522	
	10.Obiliq 10:00 11.F.Kosovë 13:00 12.Drenas 15:00		Kryetar – Xhafer Gashi Kryetar – Burim Berisha Kryetar – Ramiz Lladrovci	038/561-322 038/536-005 038/584-353	
	13.Lipjan 10:00 14.Shtime 13:00 15.Ferizaj 15:00		Kryetar – Imri Ahmeti Kryetar – Naim Ismajli Kryetar – Agim Aliu	038 / 581-214 0290/389-009 0290/327-000	
	16.Kamenicë 10:00 17.Gjilan 13:00 18.Viti 15:00		Kryetar – Qendron Kastrati Kryetar – Lutfi Haziri Kryetar – Sokol Haliti	0280/371-969 0280/320-781 0280/381-626	
	19.Dragash 10:00 20.Prizren 13:00 21.Suharekë 15:00		Kryetar – Shaban Shabani Kryetar – Mytaher Haskuka Kryetar – Bali Muharremaj	029/281-543 038/200-44-700 029/271-267	
	22.Mamushë 10:00 23.Rahovec 13:00 24.Malishevë 15:00		Kryetar – Abdyladil Krasniqi Kryetar – Smajl Latifi Kryetar – Ragip Begaj	029/273-260 029/276-943 029/269-008	
	25.Podujevë 11:00 26.Prishtinë 15:00		Kryetar – Agim Veliu Kryetar – Shpend Ahmeti	0290/327-000 038/245-348	
	27.Kaqanik 11:00 28.H. Elezit 15:00		Kryetar – Besim Ilazi Kryetar – Rufki Suma	0290/380-005	

**Përfundim**

**I nderuari Kryeministër i Qeverisë së Republikës së Kosovës, Z. Ramush Haradinaj,**

- Ashtu siç e kemi cekur në hyrje të këtij raporti, dua të potencoi edhe njëherë se ky raport ka paraqitur detyrat e caktuara, punët e kryera dhe ato që i kemi në vazhdim, si dhe pjesëmarrjen nëpër takime të niveleve të ndryshme dhe përmbledhje nga secila vizitë zyrtare të realizuar jashtë vendit.

**I nderuari Kryeministër i Qeverisë së Republikës së Kosovës, Z. Ramush Haradinaj,**

- Gjatë periudhës raportuese nga dt. 01 dhjetor 2017, deri më 10 prill 2018, unë Afrim Bekteshi zëvendësministër i Diaspores dhe Investimeve Strategjike, kam bërë përpjekje të vazhdueshme që çdo aktivitet dhe detyrë timen, ta kryej sipas rregullave dhe udhëzimeve që janë në përputhje të plotë me Ministrinë përkatëse, për aq sa kam patur hapsirë dhe mundësi veprimi dhe për aq sa kam qenë i deleguar nga Ministri i Diaspores dhe Investimeve Strategjike, z. Dardan Gashi, për të kryer ndonjë detyrë të dhënë.
- Dua të potencoi poashtu se ekzistojnë mundësitë dhe kapacitetet për të bërë akoma më shumë, gjithmonë në të mirën e përgjithshme institucionale dhe shtetërore, por kjo nuk mvaret vetëm nga dëshira dhe vullneti im personal, por konsiderojë se kjo mvaret edhe nga fakti se, sa jam i autorizuar për kryerjen e detyrave të caktuara nga Ministria.
- Poashtu dua të besojë se tashmë gjatë muajve në vijim, do të kemi intensifikim të aktiviteteve brenda Ministrisë dhe rritje të dinamikës në realizimin e aktiviteteve sipas matriksit vjetor të planit të veprimtimit për vitin 2018, e që për rrjedhojë besojë se do të kam edhe angazhime të shtuara që kërkojnë realizim nga unë si zëvendësministër.

**Aktivitetet kryesore që janë realizuar gjatë periudhës raportuese, rezultojnë me sa vijon:**

Aktivitet kryesor që është realizuar gjatë periudhës raportuese, e që ka rezultuar si produktiv është:

- Ristrukturimi dhe njëkohësisht rifunksionalizimi i kryesisë e re të Rrjetit të Bizneseve Shqiptare në Suedi, rrjet ky që ka qenë totalisht pasiv para vizitës time zyrtare të bërë në Suedi, ku filluam përpjekjet e para për ta riorganizuar përsëri këtë Rrjet.
- Duke qenë të vetëdijshëm se përmes nxitjes së Investitorëve nga Diaspora jonë, e që përmes tyre mund të kemi edhe nxitje të investimeve të huaja direkte nga vendet pritëse ku janë të përqendruar shqiptarët, atëherë pikërisht për shkak të këtij qëllimi, parësore për mua ishte që këtë Rrjet ta fusim në funksion, ngase Suedia është dhe mbetet një vend që ka shqiptarë biznesmen shumë të suksesshëm.
- Tani më ky Rrjet është duke bërë një punë të shkelqyer, marrë parasysh kohën shumë të shkurtër që nga ristrukturimi. Ky rrjet ka bërë një sërë takimesh me biznesmen të suksesshëm atje, ku si rrjedhojë e saj më datë, **7.Prill.2018**, në Malmö patëm Sesionin e parë informues “**Klima e Investimeve në Kosovë**”, që për qëllim patë nxitjen e investimeve të Diaspores në Kosovë, derisa presim që ky takim të sjellë së shpejti edhe rezultatet e para, në mënyrë që të shohim koncentrimin e kapitalit investiv, nga Diaspora në Kosovë...

Ju falënderit për vëmendjen tuaj!

**Afrim Bekteshi,**  
Zëvendësministër i Diaspores dhe Investimeve Strategjike